

შპს ზაზა ფაჩულის კალათბურთის

აკადემია

2024 წლის ფინანსური ანგარიშგება

შპს ზაზა ფაჩულის კალათბურთის

აკადემია

2024 წლის ფინანსური ანგარიშგება

**შპს „ზაზა ფაჩულიას კალათბურთის აკადემია“-ს ფინანსური ანგარიშგება 2024 წლის 31 დეკემბრის მდგომარეობით ახსნა-განმარტებითი შენიშვნები**

**1. ძირითადი საქმიანობა და ზოგადი ინფორმაცია**

**შპს „ზაზა ფაჩულიას კალათბურთის აკადემია“** საქმიანობას ახორციელებს საქართველოს კანონმდებლობის შესაბამისად. შპს „ზაზა ფაჩულიას კალათბურთის აკადემია“ ს/კ (404500232) დაარსდა 2015 წელს, მარეგისტრირებული ორგანო სსიპ საჯარო რეესტრის ეროვნული სააგენტო.

რეგისტრირებული იურიდიული მისამართი: საქართველო, თბილისი, მთაწმინდის რაიონი, ა.ერისთავ-ხოშტარიას ქუჩა, N 25

ფაქტობრივი მისამართი: საქართველო, ქ.თბილისი, აკაკი წერეთლის 105 ა

დასაქმებულთა საშუალო რაოდენობა 2024 წელს შეადგენს 34 ადამიანს. ( 2023 წელს- 28)

კომპანიის დამფუძნებელს წარმოადგენს: ზაზა ფაჩულია პ/ნ 01005006153, 100 %.

კომპანიის საქმიანობის ძირითად მიმართულებას წარმოადგენს საკალათბურთო-სასწავლო მომსახურება და შეჯიბრებების გამართვა ორგანიზება.

**2. შედგენის საფუძველი**

**2.1 განცხადება შესაბამისობის თაობაზე**

კომპანიის ფინანსური ანგარიშგება მომზადებულია ბუღალტრული აღრიცხვის საერთაშორისო სტანდარტების საბჭოს მიერ გამოცემული მცირე და საშუალო საწარმოთა ფინანსური ანგარიშგების საერთაშორისო სტანდარტების (მსს ფასს) საფუძველზე.

**2.2 საქმიანობის უწყვეტობა**

წინამდებარე ფინანსური ანგარიშგება მომზადებულია იმის დაშვებით, რომ კომპანია წარმოადგენს მოქმედ საწარმოს და პროგნოზირებად მომავალში გააგრძელებს ფუნქციონირებას.

**2.3 მომზადების საფუძველი**

ფინანსური ანგარიშგება მომზადდა ისტორიული ღირებულებებზე დაყრდნობით. თითოეული კატეგორიების აქტივებისა და ვალდებულებების შეფასების დეტალების განხილულია ქვემოთ მითითებულ შენიშვნებში.

## 2.4 საოპერაციო და საანგარიშგებო ვალუტა

საქართველოს ეროვნული ვალუტა არის ქართული ლარი. რომელიც ასევე წარმოადგენს კომპანის ფუნქციონალურ ვალუტას.ფინანსური ანგარიშგება მომზადებულია და წარმოდგენილია ქართულ ლარში.უცხოურ ვალუტაში წარმოებული ოპერაციების ასახვა ბუღალტრულ ანგარიშგებაში ხორცილედება ოპერაციების განხორციელების დღეს არსებული კურსის გამოყენებით.

## 3. ბუღალტრული აღრიცხვის მნიშვნელოვანი პოლიტიკები

ბუღალტრული აღრიცხვის მიღებული პოლიტიკა წინა ფინანსური წლის პოლიტიკის შესაბამისია.

### 3.1 უცხოურ ვალუტაში განხორციელებული ოპერაციები

ფინანსური ანგარიშგების მომზადების მიზნებისთვის უცხოურ ვალუტაში განხორციელებული ოპერაციები გადაიყვანება ტრანზაქციის განხორციელების დღისთვის საქართველოს ეროვნული ბანკის მიერ დადგენილი გაცვლითი კურსის მიხედვით.არაფულადი მუხლების გადაანგარიშება წლის ბოლო კურსით არ ხდება და ისინი ბალანსში წარდგენილია ისტორიული ღირებულებით.ფინანსური ანგარიშგების მომზადებისას უცხოურ ვალუტაში არსებული მუხლების გადაფასებისთვის გამოყენებული გაცვლითი კურსები შემდეგნაირია:

| ვალუტა          | 31 დეკემბერი 2023 | 31 დეკემბერი 2024 |
|-----------------|-------------------|-------------------|
| ლარი/აშშ დოლარი | 2.6894            | 2.8068            |
| ლარი/ევრო       | 2.9753            | 2.9306            |

### 3.2 ძირითადი საშუალებები

ძირითადი საშუალებები აღირიცხება თვითღირებულებით, რომელსაც აკლდება დაგროვილი ცვეთისა და გაუფასურების ხარჯი, თუ ამის აუცილებლობა არსებობს.

ძირითადი საშუალების თვითღირებულება მოიცავს:

ა) მისი ნასყიდობის ფასს, საიმპორტოსაბაჟო გადასახადებისა და შესყიდვის დაუბრუნებადი გადასახადების ჩათვლით, ყოველგვარი სავაჭრო ფასდათმობებისა და შეღავათების გამოკლების შემდეგ;

შპს „ზაზა ფაჩულიას კალათბურთის აკადემია“-ს ფინანსური ანგარიშგება 2024 წლის 31 დეკემბრის მდგომარეობით ახსნა-განმარტებითი შენიშვნები

ბ) ნებისმიერ დანახარჯს, რომელიც პირდაპირ დაკავშირებულია აქტივის დანიშნულების ადგილამდე მიტანასთან და სამუშაომდგომარეობაში მოყვანასთან, რაც აუცილებელია აქტივის გამოსაყენებლად ხელმძღვანელობისმიერ დასახული მიზნებისათვის;

გ) აქტივის დემონტაჟის, ლიკვიდაციისა და ადგილმდებარეობის აღდგენის დანახარჯების თავდაპირველ შეფასებას, რის ვალდებულებასაც საწარმო იღებს შემენის მომენტში ან, შემდეგში, როდესაც გარკვეული დროის განმავლობაში საწარმო აქტივს იყენებს სხვა საქმიანობისათვის, გარდა მარაგის წარმოებისა.

ზარალი, რომელიც წარმოშობილია ძირითადი საშუალების ჩამოწერიდან აღიარდება მოგება-ზარალის ანგარიშგებაში.

დანახარჯები კაპიტალიზდება იმ შემთხვევაში, თუ შესაძლებელია ეკონომიკური სარგებლის მიღება მომავალში, ყველა სხვა ხარჯი, მათ შორის შეკეთება აღიარდება ხარჯებში, მოგება-ზარალის ანგარიშგებაში მისი მოხდენისთანავე.

ცვეთა ერიცხება შემცირებადი ნაშთის მეთოდით და ცვეთის ხარჯი აღიარდება მოგება-ზარალის ანგარიშგებაში თითოეული აქტივის სასარგებლო მომსახურების ვადის შეფასების საფუძველზე. ცვეთის დარიცხვა იწყება მას შემდეგ, რაც შესაძლებელია აქტივის გამოყენება. ძირითადი საშუალებების ჯგუფისთვის განსაზღვრული პროცენტი წარმოდგენილია შემდეგნაირად.:

- ოფისის აღჭურვილობა და ინვენტარი 10- 20%

აქტივის ნარჩენი ღირებულება წარმოადგენს შეფასებით თანხას, რომელსაც კომპანია ამჟამად მიიღებდა აქტივის გაყიდვიდან, (გაყიდვისათვის საჭირო დანახარჯების გამოკლებით), თუ აქტივს უკვე ექნებოდა მისისასარგებლო მომსახურების ვადის ბოლოს მოსალოდნელი ასაკი და მდგომარეობა. აქტივის ნარჩენი ღირებულება ნულია, თუ კომპანია აპირებს მის გამოყენებას აქტივის მთელი ფიზიკური ვადის განმავლობაში. აქტივების ნარჩენი ღირებულება და სასარგებლო მომსახურების ვადა გადაისინჯება და საჭიროების შემთხვევაში იცვლება ბალანსის მომზადების თარიღისთვის.

### 3.3 არამატერიალური აქტივი

კომპანიას არ აქვს ბალანსზე რიცხული არამატერიალური აქტივები.

### 3.4 სავაჭრო და სხვა მოთხოვნები

სავაჭრო და სხვა მოთხოვნები მომდევნო პერიოდებში იზომება ამორტიზებული ღირებულებით, ეფექტური საპროცენტო განაკვეთის მეთოდით. მოკლევადიანი

მოთხოვნები, რომელთაც პროცენტი არ ერიცხება აღირიცხება ნომინალური ღირებულებით. ამოუღებელი თანხების სავარაუდო ოდენობის შესაბამისიანარიცხები აღიარდება მოგება-ზარალში მაშინ, თუ არსებობს აქტივის გაუფასურების ობიექტური მტკიცებულება. აღიარებული ანარიცხები იზომება, როგორც სხვაობა აქტივის საბალანსო ღირებულებასა და საწყისი აღიარებისას მიღებული სავარაუდო ფულადი ნაკადების მიმდინარე ღირებულებას შორის, როდესაც უკანასკნელი ეფექტური საპროცენტო განაკვეთით არის დისკონტირებული.

### 3.5 სასაქონლო-მატერიალური მარაგები

სასაქონლო-მატერიალური მარაგების შეფასება ხდება მის თვითღირებულებასა და ნეტო სარეალიზაციო ღირებულებას შორის უმცირესი თანხით. თვითღირებულება გამოითვლება საშუალო შეწონილი მეთოდის გამოყენებით. ნეტო სარეალიზაციო ღირებულება არის წმინდა თანხა, რომლის მიღებასაც საწარმო მოელის ჩვეულებრივი სამეურნეო საქმიანობის პროცესში მარაგის გაყიდვის შემდეგ.

### 3.6 იჯარა

იჯარა კლასიფიცირდება ფინანსურ იჯარად, თუ იგი ითვალისწინებს აქტივის საკუთრებასთან დაკავშირებული ფაქტობრივად ყველა რისკისა და ეკონომიკური სარგებლის გადაცემას საწარმოსათვის. ყველა სხვა იჯარა კლასიფიცირდება ჩვეულებრივ (საოპერაციო) იჯარად. ჩვეულებრივი იჯარის ფარგლებში გადასახდელი საიჯარო გადასახდელები აისახება მოგებაში ან ზარალში წრფივი მეთოდით, შესაბამისი იჯარის ვადის განმავლობაში. ჩვეულებრივი იჯარის ფარგლებში საწარმოს მიერ მიღებული საიჯარო შემოსავალი აღიარდება მოგებაში ან ზარალში წრფივი მეთოდით, შესაბამისი იჯარის ვადის განმავლობაში.

### 3.7 ფინანსური იჯარა

იჯარის ვადის დასაწყისისათვის კომპანია აქტივის გამოყენებაზე და ვალდებულებებს ფინანსურ იჯარაზე აღიარებს ფინანსური მდგომარეობის ანგარიშგებაში, როგორც აქტივებს და ვალდებულებებს საიჯარო აქტივის რეალური ღირებულების ტოლი თანხით ან, თუ მასზე ნაკლებია, მინიმალური საიჯარო გადასახდელების დღევანდელი ღირებულებით, რომელიც განისაზღვრება იჯარის დასაწყისში. მოიჯარის ნებისმიერი თავდაპირველი პირდაპირი დანახარჯი (დამატებითი დანახარჯები, რომლებიც უშუალოდ არის დაკავშირებული

## შპს „ზაზა ფაჩულიას კალათბურთის აკადემია“-ს ფინანსური ანგარიშგება 2024 წლის 31 დეკემბრის მდგომარეობით ახსნა-განმარტებითი შენიშვნები

საიჯარო გარიგების მოლაპარაკებასა და გაფორმებასთან) ემატება აქტივის სახით აღიარებულ თანხას.

მინიმალური საიჯარო გადასახდელების დღევანდელი ღირებულების გასაანგარიშებელი დისკონტირების განაკვეთს წარმოადგენს საიჯარო ხელშეკრულებაში ნაგულისხმევი საპროცენტო განაკვეთი, თუ მისი დადგენა შესაძლებელია; თუ არა, გამოიყენება მოიჯარის ზღვრული სასესხო საპროცენტო განაკვეთი.

### 3.8 ფინანსური ინსტრუმენტები

*ფინანსური ინსტრუმენტების აღიარება, შეფასება და ჩამოწერა*

ფინანსური აქტივი და ფინანსური ვალდებულება აღიარდება, მას შემდეგ, რაც კომპანია ხდება ფინანსური ინსტრუმენტის სახელშეკრულებო პირობების მონაწილე.

ფინანსური აქტივების აღიარება წყდება, როდესაც ფინანსური აქტივიდან მისაღები ფულადი ნაკადების მიღების სახელშეკრულებო უფლებებს ვადა გასდის, ან იგი გადასცემს ფინანსურ აქტივთან დაკავშირებულ რისკს და სარგებელს.

ფინანსური ვალდებულების აღიარება წყდება, როდესაც ის შესრულდება, ხელშეკრულებით განსაზღვრული ვალდებულება დაიფარება, გაუქმდება ან ვადა გაუვა.

ფინანსური აქტივები და ფინანსური ვალდებულებები თავდაპირველად აღირიცხება რეალურ ღირებულებას დამატებული გარიგების განხორციელებასთან დაკავშირებული ხარჯებით გარდა იმ ფინანსური აქტივებისა და ვალდებულებებისა, რომლებიც შეფასებულია რეალური ღირებულებით მოგება-ზარალში ასახვით.

*ფინანსური აქტივების კლასიფიკაცია და შემდგომი შეფასება*

ფინანსური აქტივების შემდგომი შეფასების მიზნებისათვის, ფინანსური აქტივები თავდაპირველი შეფასების შესაბამისად დაყოფილია შემდეგ კატეგორიებად :

- სესხები და მოთხოვნები;
- რეალური ღირებულებით შეფასებული, მოგებაში ან ზარალში ასახვით;
- სავაჭროდ გამიზნული ფინანსური აქტივები;
- დაფარვის ვადამდე ფლობილი ინვესტიციები.

**შპს „ზაზა ფაჩულიას კალათბურთის აკადემია“-ს ფინანსური ანგარიშგება 2024 წლის 31 დეკემბრის მდგომარეობით ახსნა-განმარტებითი შენიშვნები**

ფინანსური აქტივები თავდაპირველი აღიარებისას სხვადასხვა კატეგორიებს მიეკუთვნება მათი მახასიათებლებისა და დანიშნულების შესაბამისად. ფინანსური ინსტრუმენტის დაყოფა კატეგორიებად შეესაბამება, იმას თუ, მისგან გამოწვეული შემოსავალი ან ხარჯი აისახება მოგება-ზარალში თუ სხვა სრულ შემოსავალში.

ზოგადად, კომპანია ყველა ფინანსურ აქტივს აღიარებს ანგარიშსწორების თარიღით. აქტივის გაუფასურების შეფასება ხდება სულ მცირე ერთხელ საანგარიშგებო პერიოდში. ყველა შემოსავალი და ხარჯი, დაკავშირებული ფინანსურ აქტივთან აღიარებულია მოგება-ზარალის ანგარიშგებაში შესაბამის პუნქად „ფინანსური ხარჯი“, „ფინანსური შემოსავალი“ ან სხვა „ფინანსური ხარჯი“.

*სესხები და მოთხოვნები*

სესხები და მოთხოვნები წარმოადგენს არაწარმოებულ ფინანსურ აქტივებს ფიქსირებული ან განსაზღვრადი გადასახდელებით, რომლებიც არ არიან კოტირებული აქტიურ ბაზარზე და მოიცავს სავაჭრო და სხვა მოთხოვნებს, აგრეთვე ფულს ხელზე და საბანკო ანგარიშებზე.

*სავაჭრო და სხვა მოთხოვნები*

მიმდინარე სავაჭრო მოთხოვნები თავდაპირველად აღიარებულია რეალური ღირებულებით. შემდგომში ისინი ასახულია გაუფასურების რეზერვით შემცირებული ამორტიზირებული ღირებულებით. სავაჭრო მოთხოვნების გაუფასურების რეზერვი წარმოიშვება, როდესაც არსებობს ობიექტური მოსაზრება, რომ კომპანია ვერ მოახერხებს მოთხოვნების მიღებას საწყისი პირობების მიხედვით. დებიტორის მნიშვნელოვანი ფინანსური პრობლემები, მისი გაკოტრება ან მისი მხრიდან გადახდების პრაქტიკის მნიშვნელოვანი გაუარესება არის მნიშვნელოვანი ინდიკატორი იმისა, რომ მოთხოვნა გაუფასურებულია. გაუფასურების ოდენობა განისაზღვრება აქტივის საბალანსო ღირებულებასა და მომავალი მოსალოდნელი ფულადი ნაკადების ეფექტური საპროცენტო განაკვეთით დისკონტირებულ მიმდინარე ღირებულებას შორის სხვაობით.

საანგარიშგებო პერიოდის განმავლობაში რეზერვში ცვლილება აისახება მოგება-ზარალის ანგარიშგებაზე. ნებისმიერი მოთხოვნის ჩამოწერის ასახვა ხდება არსებული საექვო მოთხოვნების რეზერვის ანგარიშზე. ყველა ის მოთხოვნა, რომლის თანხის ამოღებაც მოსალოდნელი არ არის, პირდაპირ მოგება-ზარალში ჩამოიწერება ხარჯად.

*ფული ხელზე და საბანკო ანგარიშებზე*

**შპს „ზაზა ფაჩულიას კალათბურთის აკადემია“-ს ფინანსური ანგარიშგება 2024 წლის 31 დეკემბრის მდგომარეობით ახსნა-განმარტებითი შენიშვნები**

კომპანიას ფული და ფულის ექვივალენტები მოიცავს ფულს ხელზე და ფულს საბანკო ანგარიშზე.

***II ფინანსური აქტივები შეფასებული რეალური ღირებულებით მოგებაში ან ზარალში ასახვით***

ფინანსური აქტივები შეფასებული რეალური ღირებულებით მოგებაში ან ზარალში ასახვით, მოიცავს სავაჭროდ გამოზნულ ფინანსურ აქტივებს და აგრეთვე იმ ფინანსურ აქტივებს, რომლებსაც თავდაპირველი აღიარებისას კომპანია აკლასიფიცირებს ამ კატეგორიაში. განმარტების თანახმად, ყველა წარმოებული ფინანსური ინსტრუმენტი, რომელიც არ აკმაყოფილებს ჰეჯირების აღრიცხვას, მიეკუთვნება ამ კატეგორიას.

ნებისმიერი მოგება ან ზარალი, რომელიც მიიღება წარმოებული ფინანსური აქტივებიდან, რომელიც აქტიურ ბაზარზე განისაზღვრება საბაზრო გარიგებების შედეგად, ეფუძნება რეალურ ღირებულებაში ცვლილებას, ხოლო არა აქტიურ ბაზარზე, შეფასების მოდელის გამოყენებას.

***ფინანსური ვალდებულებების კლასიფიკაცია და შემდგომი შეფასება***

ფინანსური ვალდებულებები მოიცავს სესხებს და სავაჭრო და სხვა ვალდებულებებს.

***I სასესხო ვალდებულებები***

სასესხო ვალდებულებების პირველადი აღიარება ხდება სესხის გამოშვებასთან დაკავშირებული გარიგების დანახარჯებით შემცირებული რეალური ღირებულებით. სხვაობა წარმოშობილი მის რეალურ ღირებულებასა და ნომინალურ ღირებულებას შორის აისახება პერიოდის მოგება-ზარალში, გარდა იმ შემთხვევისა, როდესაც სესხი მიღებულია აქციონერისგან. ამ შემთხვევაში სხვაობა წარმოშობილი რეალურ ღირებულებასა და ნომინალურ ღირებულებას შორის აისახება კაპიტალში, როგორც დამატებითი კაპიტალი. საწყისი აღიარების შემდეგ, სასესხო ვალდებულებები წარმოდგენილია ამორტიზირებული ღირებულებით ეფექტური საპროცენტო განაკვეთის გამოყენებით, ხოლო სხვაობა წარმოშობილი მის თვითღირებულებასა და გამოსყიდვის ღირებულებას შორის აისახება პერიოდის მოგება-ზარალში. სესხთან დაკავშირებული პროცენტი და სხვა დანახარჯები აღიარდება ფინანსურ ხარჯად მოგება-ზარალის ანგარიშგებაში, გარდა იმ შემთხვევისა, როდესაც ეს დანახარჯები პირდაპირ მიეკუთვნება განსაკუთრებული აქტივის შეძენას, შექმნას ან წარმოებას, ამ შემთხვევაში ეს დანახარჯები კაპიტალიზირდება განსაკუთრებული აქტივის საბალანსო ღირებულებაში.

## II სავაჭრო და სხვა ვალდებულებები

სავაჭრო და სხვა ვალდებულებები თავდაპირველად აღიარდება რეალური ღირებულებით, ხოლო შემოდგომში ისინი აღირიცხება ამორტიზირებული ღირებულებით.

### 3.9 აქტივების გაუფასურება

ყოველი საანგარიშგებო თარიღისათვის ტარდება ძირითადი საშუალებების (რომელიც აღრიცხული არ არის გადაფასების მოდელის შესაბამისად) არამატერიალური აქტივების, მეკავშირე საწარმოებში განხორციელებული ინვესტიციებისა და ერთობლივ კონტროლს დაქვემდებარებულ საწარმოში განხორციელებული ინვესტიციები განხილვა, რათა დადგინდეს, არსებობს თუ არა რაიმე ნიშანი იმისა, რომ აღნიშნული აქტივები გაუფასურებულია. იმ შემთხვევაში, თუ არსებობს შესაძლო გაუფასურების ნიშანი, შეფასდება ნებისმიერი აქტივის (ან დაკავშირებულ აქტივთა ჯგუფის) ანაზღაურებადი ღირებულება და შეუდარდება მის საბალანსო ღირებულებას. თუ შეფასებული ანაზღაურებადი ღირებულება ნაკლებია, საბალანსო ღირებულება შემცირდება მის ანაზღაურებად ღირებულებამდე, ხოლო გაუფასურების ზარალი დაუყოვნებლივ აღიარდება მოგებაში ან ზარალში. იმ შემთხვევაში, თუ შემდგომში მოხდება გაუფასურების ზარალის აღდგენა/კომპენსირება, აქტივის (ან მსგავსი აქტივების ჯგუფის) საბალანსო ღირებულება გაიზრდება აქტივის ანაზღაურებადი ღირებულების (მარაგის შემთხვევაში - პროდუქციის დასრულებისა და გაყიდვისთვის საჭირო დანახარჯებით შემცირებული სარეალიზაციო ფასის) შესწორებულ შეფასებულ სიდიდემდე, მაგრამ არ გაიზრდება იმ თანხაზე მეტად, რომელიც განისაზღვრებოდა იმ შემთხვევაში, თუ წინა წლებში არ მოხდებოდა აქტივის (ან მსგავსი აქტივების ჯგუფის) გაუფასურების ზარალის აღიარება. გაუფასურების ზარალის აღდგენის (კომპენსირების) თანხა დაუყოვნებლივ აღიარდება მოგებაში ან ზარალში.

### 3.10 დაქირავებულ პირთა მოკლევადიანი გასამრჯელოები

დაქირავებულ პირთა ყველა სახის მოკლევადიან გასამრჯელოსთან დაკავშირებული დანახარჯი, რომლის მიღების უფლებაც დაქირავებულმა პირებმა მოიპოვეს საანგარიშგებო პერიოდში გაწეული მომსახურების სანაცვლოდ, აღიარდება როგორც ვალდებულება და

## **შპს „ზაზა ფაჩულიას კალათბურთის აკადემია“-ს ფინანსური ანგარიშგება 2024 წლის 31 დეკემბრის მდგომარეობით ახსნა-განმარტებითი შენიშვნები**

როგორც ხარჯი (გარდა იმ დანახარჯისა, რომელიც აღიარდება მარაგის, ძირითადი საშუალებების ან სხვა აქტივის თვითღირებულებაში). საანგარიშგებო პერიოდის განმავლობაში, საწარმოს მიერ მოკლევადიანი გასამრჯელოს სახით აღიარებული თანხები ფასდება დაქირავებული პირის იმ მოკლევადიანი გასამრჯელოების არადისკონტირებული სიდიდით, რომელიც გადასახდელია დაქირავებულის მიერ გაწეული ზემოაღნიშნული მომსახურების სანაცვლოდ.

### **3.11 კაპიტალი**

კომპანიის კაპიტალი ფორმირებულია აკუმულირებული მოგებით. დივიდენდი აღიარდება როგორც ვალდებულება იმ პერიოდში, რომელშიც გამოცხადდა.

### **3.12 ანარიცხები**

ფინანსური მდგომარეობის ანგარიშგებაში ანარიცხი აღიარდება მაშინ, როდესაც კომპანიას აქვს ვალდებულება იურიდიული ან კონსტრუქციული, რომელიც წარმოიქმნა წარსული მოვლენების შედეგად და სავარაუდოა, რომ ვალდებულების დასაფარად საჭირო იქნება ეკონომიკურ სარგებელში განოვთებული რესურსების გასვლა. როცა ფულის დროითი ღირებულების ეფექტი მნიშვნელოვანია ანარიცხების თანხა უნდა წარმოადგენდეს იმ დანახარჯების დღევანდელ ღირებულებას, რომლებიც მოალოდნელია, რომ საჭირო იქნება მოვალეობის შესასრულებად, დისკონტირების განაკვეთი უნდა წარმოადგენდეს დაბეგვრამდე არსებულ განაკვეთს, რომელშიც გათვალისწინებულია ფულის დროითი ღირებულების მიმდინარე საბაზრო შეფასებებისა და მოცემული ვალდებულებებისთვის დამახასიათებელი სპეციფიკური რისკი.

### **3.13 მოგების გადასახადი**

მიმდინარე მოგების გადასახადი არის საგადასახადო ვალდებულება პერიოდის დასაბეგრ მოგებაზე, რომელიც გაანგარიშებულია ანგარიშგების თარიღისთვის არსებული საგადასახადო განაკვეთით და ითვალისწინებს წინა წლებთან დაკავშირებული საგადასახადო ვალდებულების ყველა შესაძლო შესწორებას.

გადავადებული გადასახადი აღიარდება დასაბეგრი მოგების გაანგარიშების მიზნებისათვის გამოყენებულ აქტივებისა და ვალდებულებების დასაბეგ ბაზებსა და ფინანსურ ანგარიშგებაში ნაჩვენებ მათ საბალანსო ღირებულებებს შორის არსებულ ყველა დროებით განსხვავებაზე. გადავადებული საგადასახადო ვალდებულება ზოგადად აღიარდება ყველა დასაბეგრ სხვაობებზე. გადავადებული მოგების გადასახადის აქტივის აღიარება ხდება იმ ფარგლებში, რა ფარგლებშიც მოსალოდნელია, რომ კომპანიას მომავალში ექნება დასაბეგრი მოგება, რომლის საპირისპიროდ შესაძლებელი იქნება დროებითი სხვაობების გამოყენება. მსგავსი გადავადებული საგადასახადო

**შპს „ზაზა ფაჩულიას კალათბურთის აკადემია“-ს ფინანსური ანგარიშგება 2024 წლის 31 დეკემბრის მდგომარეობით ახსნა-განმარტებითი შენიშვნები**

აქტივები და ვალდებულებები არ აღიარდება, თუ წარმოქმნილი დროებითი განსხვავება წარმოიშვა გუდვილიდან, ან აქტივებისა და ვალდებულებების პირველადი აღიარებიდან (გარდა საწარმოთა გაერთიანებისა), რომელიც იმყოფება გადაცემის პროცესში და არ აქვს გავლენა, არც დასაბეგრ, და არც სააღრიცხვო მოგებაზე.

გადავადებული საგადასახადო აქტივის საბალანსო ღირებულება ყოველი საანგარიშგებო პერიოდის ბოლოს გადაიხედება და თუკი აღმოჩნდება, რომ აღარ არის მოსალოდნელი, რომ კომპანია მიიღებს იმდენ დასაბეგრ მოგებას, რაც საჭიროა აღიარებული გადავადებული საგადასახადო აქტივის სრულად ან ნაწილობრივ რეალიზებისათვის, მაშინ მისი საბალანსო ღირებულება შესაბამისად მცირდება.

გადავადებული მოგების გადასახადის გაანგარიშება ხდება საქართველოს საგადასახადო კანონმდებლობის მიერ ბალანსის თარიღისათვის დადგენილი განაკვეთით და იმ განაკვეთის გათვალისწინებით, რომელიც ივარაუდება, რომ ძალაში იქნება მაშინ, როდესაც მოხდება გადავადებული მოგების გადასახადის შესაბამისი აქტივის რეალიზება ან ვალდებულების დაფარვა. გადავადებული საგადასახადო ვალდებულებისა და აქტივის საზომად გამოდგება საგადასახადო შედეგები, რომლებიც თანხვედრაში იქნებოდა კომპანიის მოლოდინებთან, რათა აინაზღაუროს ან გადაწვიტოს საკუთარი აქტივებისა და ვალდებულებების საბალანსო ღირებულება პერიოდის ბოლოს.

გადავადებული საგადასახადო აქტივები ან ვალდებულებები გაიქვითება, თუ არსებობს კანონიერი უფლება მიმდინარე საგადასახადო აქტივები გაიქვითოს მიმდინარე საგადასახადო ვალდებულებებით, და როცა ისინი დაკავშირებულია მოგების გადასახადთან, რომელიც აკრეფილია იმავე საგადასახადო ორგანოს მიერ და კომპანიას განზრახული აქვს საგადასახადო აქტივებისა და ვალდებულებების გაქვითვა.

2017 წლის 1 იანვრიდან საქართველოს საგადასახადო კოდექსში შევიდა მნიშვნელოვანი ცვლილებები. ეს ცვლილება შეეხო მოგების გადასახადის წარდგენას.

2017 წლის ახალი მოდელის მიხედვით მოგების გადასახადის განაკვეთი განისაზღვრა ნულოვანი განაკვეთით, იმ შემთხვევაში თუ არ მოხდება მოგების განაწილება და დარჩება კომპანიაში გაუნაწილებელი მოგების სახით, ხოლო 15%-ით დაიბეგრება დივიდენდად განაწილებული მოგება, მაშინ როცა ძველი მოდელის მიხედვით კომპანიების მოგება იბეგრებოდა 15%-ით, მიუხედავად იმისა, ეს მოგება გაიცემოდა დივიდენდად, თუ კომპანიაში რჩებოდა გაუნაწილებელი მოგების სახით. 2017 წლის 1 იანვრიდან კომპანიები იბეგრებიან მოგების გადასახადით, თუ მოხდება მოგების განაწილება (დივიდენდის გაცემა) და ასევე, მოგების გადასახადით იბეგრება ისეთი ტრანზაქციები ინდივიდუალურ პირებთან, რომელიც დაკავშირებულია მოგების მიღებასთან (ბენეფიტი, საჩუქარი, გადასახადები, რომლებიც არაა

**შპს „ზაზა ფაქულიას კალათბურთის აკადემია“-ს ფინანსური ანგარიშგება 2024 წლის 31 დეკემბრის მდგომარეობით ახსნა-განმარტებითი შენიშვნები**

ეკონომიკურ საქმიანობასთან დაკავშირებული და სხვა) ამ შემთხვევაში მოგების განაწილება იბეგრება 15/85 პროპორციით.

აღნიშნული ცვლილების გამო, არ წარმოიქმნება დროებითი სხვაობები აქტივებსა და ვალდებულებებში ფინანსური და საგადასახადო ბაზის საფუძველზე. შესაბამისად გადავადებული საგადასახადო აქტივი და ვალდებულება, როგორც განსაზღვრულია ბასს 12 მოგებიდან გადასახადებით არ წარმოიქმნება 2017 წლის 01 იანვრიდან.

### **3.14 ამონაგების აღიარება**

ამონაგების შეფასება ხდება მიღებული ან მისაღები ანაზღაურების რეალური ღირებულებით. იგი არ მოიცავს გაცემულ ყველანაირ სავაჭრო ფასდათმობას, ასევე ვადაზე ადრე გადახდის ფასდათმობებს. ამონაგებში ჩართულია მხოლოდ საკუთარი სახელით მიღებული ან მისაღები ეკონომიკური სარგებლის მთლიანი თანხა.

მომსახურების გაწევის ამონაგები აღიარდება მომსახურების ხელშეკრულების შესრულების სტადიის მიხედვით საანგარიშგებო პერიოდის ბოლოს, თუ შესაძლებელი იქნება მომსახურების გაწევის შედეგის საიმედოდ შეფასება. სხვა შემთხვევაში ამონაგები აღიარდება მხოლოდ უკვე აღიარებული ანაზღაურებადი ხარჯების ოდენობის ფარგლებში.

საქონლის გაყიდვის შედეგად მიღებული ამონაგების აღიარება ხდება მაშინ, როდესაც დაკმაყოფილებული იქნება ქვემოთ ჩამოთვლილი ყველა პირობა:

(ა) საწარმო მყიდველს გადასცემს საქონლის საკუთრებასთან დაკავშირებულ ყველა მნიშვნელოვან რისკსა და სარგებელს;

(ბ) საწარმო არ ინარჩუნებს უწყვეტ მენეჯერულ მონაწილეობას იმ დონით, რომელიც, ჩვეულებრივ, საკუთრების უფლებასთან ასოცირდება და არც გაყიდულ საქონელზე ეფექტურ კონტროლს არ ახორციელებს;

(გ) შესაძლებელია ამონაგების თანხის საიმედოდ შეფასება;

(დ) მოსალოდნელია, რომ საწარმო მიიღებს მოცემულ ოპერაციასთან დაკავშირებულ ეკონომიკურ სარგებელს;

და (ე) შესაძლებელია მოცემულ ოპერაციასთან დაკავშირებით უკვე გაწეული ან მომავალ პერიოდში გასაწევი დანახარჯების საიმედოდ შეფასება

### 3.15 ნაღდი ფული და მისი ექვივალენტები

ფულადი ნაკადების ანგარიშგების შედგენის მიზნებისათვის, ფულადი სახსრების ექვივალენტები არის მოკლევადიანი, მაღალ ლიკვიდური ინვესტიციები, რომლებიც დაუბრკოლებლად გადაიცვლება ნაღდი ფულის წინასწარ ცნობილ ოდენობაზე და მათი ღირებულების შეცვლის რისკი უმნიშვნელოა. ფულადი სახსრების ექვივალენტები უფრო მეტად გამიზნულია მოკლევადიან ვალდებულებათა შესასრულებლად, ვიდრე ინვესტიციებისათვის ან სხვა მიზნით. კომპანიის მიერ ინვესტიცია კლასიფიცირდება როგორც ფულადი სახსრების ექვივალენტი, თუ იგი ადვილად გაცვლადია წინასწარ ცნობილ ნაღდი ფულის ოდენობაზე და მისი ღირებულების შეცვლის რისკი უმნიშვნელოა.

### 4. ძირითადი საშუალებები

კომპანიის ძირითადი საშუალებების საბალანო ღირებულება 2024 წლის 31 დეკემბრისთვის შეადგენს 9,317,345 ლარს, 2023 წლის 31 დეკემბრისთვის შეადგენს 8,753,753 ლარს, ძირითადი საშუალებები ბალანსში ასახულია ისტორიული ღირებულებით და შემცირებულია დაგროვილი ცვეთის ღირებულებით.

ცვეთის დარიცხვა ხდება ნარჩენი ღირებულებით შემცირებული აქტივების თვითღირებულების გან აწილების მიზნით მათი სავარაუდო სასარგებლო მომსახურების ვადაზე, წრფივი მეთოდის გამოყენებით.

შპს „ზაზა ფაჩულის კალათბურთის აკადემია“-ს ფინანსური ანგარიშგება 2024 წლის 31 დეკემბრის მდგომარეობით ახსნა-განმარტებითი შენიშვნები

## 5. სხვა მოკლევადიანი აქტივი

|                          | 31.12.2024 | 31.12.2023 |
|--------------------------|------------|------------|
| სხვა მოკლევადიანი აქტივი | 18739      | 35469      |
| მისაღები პროცენტები      | 5854       | 5854       |
| სულ                      | 24593      | 41323      |

## 6. მოთხოვნები მომსახურებიდან

მოთხოვნა არის მოკლევადიანი და ამოღების ვადა განსაზღვრულია რამოდენიმე დღით.

მოთხოვნები აღირიცხება ლარში.

|                                    | 31.12.2024 | 31.12.2023 |
|------------------------------------|------------|------------|
| სავაჭრო და სხვა მოთხოვნები         | 309961     | 207154     |
| სხვა პირებზე ავანსებად და სესხებად |            |            |
| გაცემული ფულადი სახსრები           | 200979     | 27485      |
| სულ                                | 711919     | 234639     |

## 7. სასაქონლო -მატერიალური მარაგები

დამხმარე მარაგები მოიცავს მცირეფასიან აქტივებს, რომელიც გამოიყენება საოპერაციო საქმიანობაში, მათი გამოყენების ვადის ხანგრძლივობა არ აღემატება 1 საანგარიშო წელს.

|                        | 31.12.2024 | 31.12.2023 |
|------------------------|------------|------------|
| სხვა დამხმარე მარაგები | 12885      | 6178       |
| სულ                    | 12885      | 6178       |

შპს „ზაზა ფაჩულის კალათბურთის აკადემია“-ს ფინანსური ანგარიშგება 2024 წლის 31 დეკემბრის მდგომარეობით ახსნა-განმარტებითი შენიშვნები

## 8. ფული ხელზე და საბანკო ანგარიშებზე

|                          | 31.12.2024 | 31.12.2023 |
|--------------------------|------------|------------|
| ფული საბანკო ანგარიშებზე | 186627     | 120765     |
| სულ                      | 186627     | 120765     |

## 10. კაპიტალი

### 10.1 კომპანიის კაპიტალი

კომპანიას საწესდებო კაპიტალი არ აქვს .

### 10.2 გაუნაწილენელებელი მოგება

|                          | 31.12.2024 | 31.12.2023 |
|--------------------------|------------|------------|
| გაუნაწილენელებელი მოგება | 1488072    | 820865     |
| სულ                      | 1488072    | 820865     |

### 10.3 სხვა რეზერვი

კომპანიამ 2015 წლის 3 ნოემბერს უსასყიდლო უზურფრუქტით სახელმწიფოსგან მიიღო 2600 კვ.მ მიწის ნაკვეთი და მასზე დამაგრებული შენობა-ნაგებობა 50 წლიანი ვადით. კომპანია ახდენს აქტივის შემცირებას შენობაზე დარიცხული ცვეთის ოდენობით.

|              | 31.12.2024 | 31.12.2023 |
|--------------|------------|------------|
| სხვა რეზერვი | 7476416    | 7564728    |
| სულ          | 7476416    | 7564728    |

შპს „ზაზა ფაჩულის კალათბურთის აკადემია“-ს ფინანსური ანგარიშგება 2024 წლის 31 დეკემბრის მდგომარეობით ახსნა-განმარტებითი შენიშვნები

## დივიდენდები

2024 წელს დივიდენდები არ გაცემულა.

## 11. ვალდებულებები მიწოდებიდან და მომსახურებიდან

|                               | 31.12.2024 | 31.12.2023 |
|-------------------------------|------------|------------|
| სავაჭრო და სხვა ვალდებულებები | 85945      | 38738      |
| სულ                           | 85945      | 38738      |

## 12. სასესხო ვალდებულება

|                                   | 31.12.2024 | 31.12.2023 |
|-----------------------------------|------------|------------|
| მოკლე ვადიანი სასესხო ვალდებულება | 706941     | 501394     |
| სულ                               | 706941     | 501394     |

## 13. სხვა მოკლევადიანი ვალდებულებები

|                               | 31.12.2024 | 31.12.2023 |
|-------------------------------|------------|------------|
| მიღებული ავანსები             | 225988     | 155367     |
| გადახდელი პროცენტები          | 15056      | 6879       |
| სხვა მოკლევადიანი ვალდებულება | 0          | 496        |
| სულ                           | 241044     | 162742     |

შპს „ზაზა ფაჩულის კალათბურთის აკადემია“-ს ფინანსური ანგარიშგება 2024 წლის 31 დეკემბრის მდგომარეობით ახსნა-განმარტებითი შენიშვნები

#### 14. ვალდებულება თანამშრომელთა მიმართ

|                                  | 31.12.2024 | 31.12.2023 |
|----------------------------------|------------|------------|
| ვალდებულება თანამშრომელთა მიმართ | 0          | 0          |
| სულ                              | 0          | 0          |

#### 15. შემოსავალი საოპერაციო საქმიანობიდან

კომპანიას აქვს როგორც ნულოვანი, ასევე დღე-თი დასაბეგრი ბრუნვა.

|                      | 31.12.2024 | 31.12.2023 |
|----------------------|------------|------------|
| ბრუნვა დღე-ს გარეშე  | 1283647    | 950171     |
| 18% დასაბეგრი ბრუნვა | 1080475    | 577028     |
| სულ                  | 2364122    | 1527198    |

#### 16. თვითღირებულების ხარჯი

თვითღირებულების ხარჯი მოიცავს ისეთ ხარჯებს, რომლებიც უშუალოდ მონაწილეობს მომსახურების გაწევის პროცესში

|                                  | 31.12.2024 |
|----------------------------------|------------|
| ბილეთები                         | (55345)    |
| ბურთები                          | (20269)    |
| მედიკამენტები                    | (8413)     |
| ჩემპიონატში მონაწილეობის საწევრო | (7099)     |
| ტრანსპორტირება                   | (9876)     |
| ტურნირის ინვენტარი               | (905)      |
| ფორმები                          | (14169)    |

შპს „ზაზა ფაჩულიას კალათბურთის აკადემია“-ს ფინანსური ანგარიშგება 2024 წლის 31 დეკემბრის მდგომარეობით ახსნა-განმარტებითი შენიშვნები

საქონლის თვითღირებულება (114898)

სულ 230974

31.12.2023

|                                  |             |
|----------------------------------|-------------|
| ბილეთები                         | (180,304)   |
| ბურთები                          | (12,269)    |
| მედიკამენტები                    | (4,255.00)  |
| სასატუმრო                        | (2,430.00)  |
| ჩემპიონატში მონაწილეობის საწევრო | (17,040.00) |
| სემინარი                         | (893.00)    |
| ტრანსპორტირება                   | (20,026.00) |
| ტურნირის ინვენტარი               | (4,055.00)  |
| ფიტნესი                          | (180.00)    |
| ფორმები                          | (560.00)    |

სულ 242433

17. საერთო და ადმინისტრაციული ხარჯი

31.12.2024

|                                  |          |
|----------------------------------|----------|
| რეკლამის ხარჯები                 | (13363)  |
| საკანცელარიო ხარჯები             | (2794)   |
| საოფისე ინვენტარის ხარჯები       | (6664)   |
| კომუნიკაციის ხარჯები             | (27640)  |
| კომუნალური გადასახადი            | (167255) |
| საკონსულტაციო, იურიდიული ხარჯები | (51215)  |
| სხვა საგადასახადო ხარჯები        | (42210)  |
| საბანკო ხარჯები                  | (2250)   |
| მივლინების ხარჯები               | (48524)  |

შპს „ზაზა ფაჩულიას კალათბურთის აკადემია“-ს ფინანსური ანგარიშგება 2024 წლის 31 დეკემბრის მდგომარეობით ახსნა-განმარტებითი შენიშვნები

|                           |          |
|---------------------------|----------|
| წარმომადგენლობითი ხარჯები | (3976)   |
| სხვა საერთო ხარჯები       | (384132) |
| სოციალური დანარიცხები     | (15960)  |
| შრომის ანაზღაურება        | (882012) |
| ცვეთა                     | (62063)  |

---

სულ 1710058

---

31.12.2023

---

|                                  |          |
|----------------------------------|----------|
| რეკლამის ხარჯები                 | (15181)  |
| საკანცელარიო ხარჯები             | (6408)   |
| საოფისე ინვენტარის ხარჯები       | (385)    |
| კომუნიკაციის ხარჯები             | (23227)  |
| კომუნალური გადასახადი            | (115720) |
| საკონსულტაციო, იურიდიული ხარჯები | (54360)  |
| სხვა საგადასახადო ხარჯები        | (87888)  |
| საბანკო ხარჯები                  | (2309)   |
| მივლინების ხარჯები               | (24191)  |
| წარმომადგენლობითი ხარჯები        | (2299)   |
| სხვა საერთო ხარჯები              | (125267) |
| სოციალური დანარიცხები            | (12255)  |

---

სულ 469490

#### 18. შემოსავალი არასაოპერაციო საქმიანობიდან

|                          | 31.12.2024 | 31.12.2023 |
|--------------------------|------------|------------|
| არასაოპერაციო შემოსავალი | 315204     | 201188     |
| სულ                      | 315204     | 201188     |

#### 19. არასაოპერაციო ხარჯები

|                      | 31.12.2024 | 31.12.2023 |
|----------------------|------------|------------|
| კურსთა შორის სხვაობა | (27142)    | (8539)     |
| სულ                  | (27142)    | (8539)     |

#### 20. იჯარა

|               | 31.12.2024 | 31.12.2023 |
|---------------|------------|------------|
| საიჯარო ხარჯი | (96706)    | (17503)    |
| სულ           | (96706)    | (17503)    |

#### 21. მნიშვნელოვანი ბუღალტრული მსჯელობები და დაშვებები

დაშვებები და მსჯელობები ეფუძნება ისტორიულ გამოცდილებას, ასევე გაითვალისწინება მომავალ მოვლენებთან დაკავშირებული მოლოდინები, ასეთი დაშვებები და მსჯელობები პერიოდულად გადაიხედება, არსებულ სიტუაციასთან შესაბამისობის მიზნით.

##### ა. მნიშვნელოვანი ბუღალტრული შეფასებები

ხელმძღვანელობა შეფასებებს აკეთებს სამომავლო ფაქტორების გათვალისწინებით, მიღებული სააღრიცხვო შეფასებები შესაძლოა განსხვავდებოდეს რეალური შედეგისგან. შეფასებები და შესაბამისი დაშვებები ფასდება რეგულარულად. ბუღალტრული შეფასებების შესწორება აღიარებას ექვემდებარება იმ პერიოდსათვის, როდესაც ხდება შესწორება, თუ შესწორება ეხება მხოლოდ ამ პერიოდს, ხოლო იმ შემთხვევაში თუ იგი

**შპს „ზაზა ფაჩულიას კალათბურთის აკადემია“-ს ფინანსური ანგარიშგება 2024 წლის 31 დეკემბრის მდგომარეობით ახსნა-განმარტებითი შენიშვნები**

ეხება მიმდინარე და მომავალ პერიოდებს, შესაბამისად შესწორება მოხდება მიმდინარე და შემდგომ პერიოდებში.

შეფასებები და დაშვებები, რომლებიც შეიცავს მნიშვნელოვან რისკს, განხილულია ქვემოთ:

ძირითადი საშუალებების საციცოცხლო ვადა

მენეჯმენტმა შეაფასა ძირითადი საშუალებების სასიცოცხლო ვადა, და დარწმუნებულია რომ იგი არ განსხვავდება ამ აქტივების ეკონომიკური მომსახურების ვადის ხანგრძლივობისგან. თუ რეალური სასარგებლო მომსახურების ვადა განსხვავდება ამ შეფასებებისგან, ფინანსური ანგარიშგება განსხვავებული იქნება.

უიმედო ვალი

ხელმძღვანელობა აფასებს მისაღები დებიტორული დავალიანებების დონეს ისტორიულ გამოცდილებასა და სამომავლო მოლოდინებზე დაყრდნობით. დავალიანების ამოღების რეალური ვადა შესაძლოა განსხვავდებოდეს ხელმძღვანელობის შეფასებებისგან.

**b. ძირითადი დაშვებები მომავალთან დაკავშირებით**

მენეჯმენტი დარწმუნებულია, რომ კომპანიის საქმიანობის შედეგები წარსული გამოცდილების და მიმდინარე მოვლენებისა და გარემოებების გათვალისწინებით კვლავ ზრდას განაგრძობს.

**22. საანგარიშგებო პერიოდის შემდგომი მოვლენები**

არ არსებობს საანგარიშგებო პერიოდის შემდგომი მოვლენა, რომელიც მოითხოვს განმარტებით შენიშვნებს

**23. ფინანსური ანგარიშგების დამტკიცება**

ფინანსური ანგარიშგება დამტკიცებულია 2025 წლის 26 სექტემბერს.

დირექტორი: გიორგი ალავიძე



შპს ზაზა ფაჩულის კალათბურთის აკადემია ს/წ:  
404500232

ფინანსური მდგომარეობის ანგარიშგება  
2024 წლის 31 დეკემბრის მდგომარეობით

| ათას ქართულ ლარში                             | შენიშვნა | 31 დეკემბერი<br>2024 | 31 დეკემბერი<br>2023 |
|-----------------------------------------------|----------|----------------------|----------------------|
| <b>აქტივები</b>                               |          |                      |                      |
| <b>გრძელვადიანი აქტივები</b>                  |          |                      |                      |
| ძირითადი საშუალებები                          |          | 9,317,345            | 8,753,753            |
| აქტივის გამოყენების უფლება                    |          |                      |                      |
| არამატერიალური აქტივები                       |          |                      |                      |
| მისაღები პროცენტები                           |          | 5,854                | 5,854                |
| <b>სულ გრძელვადიანი აქტივები</b>              |          | <b>9,323,199</b>     | <b>8,759,607</b>     |
| <b>მიმდინარე აქტივები</b>                     |          |                      |                      |
| სავაჭრო და სხვა მოთხოვნები                    |          | 309,961              | 207,154              |
| გაცემული ავანსები                             |          | 200,979              | 62,954               |
| გაცემული სესხები                              |          |                      |                      |
| სასაქონლო - მატერიალური მარაგები              |          | 12,885               | 6,178                |
| ფული და ფულის ექვივალენტები                   |          | 186,627              | 120,765              |
| <b>სულ მიმდინარე აქტივები</b>                 |          | <b>710,452</b>       | <b>397,051</b>       |
| <b>სულ აქტივები</b>                           |          | <b>10,033,651</b>    | <b>9,156,658</b>     |
| <b>საკუთარი კაპიტალი</b>                      |          |                      |                      |
| გაუნაწილებელი მოგება                          |          | 1,488,072            | 820,865              |
| სხვა რეზერვი                                  |          | 7,476,416            | 7,564,728            |
| <b>სულ საკუთარი კაპიტალი</b>                  |          | <b>8,964,488</b>     | <b>8,385,593</b>     |
| <b>ვალდებულებები</b>                          |          |                      |                      |
| <b>გრძელვადიანი ვალდებულებები</b>             |          |                      |                      |
| საიჯარო ვალდებულებები                         |          |                      |                      |
| <b>სულ გრძელვადიანი ვალდებულებები</b>         |          | <b>-</b>             | <b>-</b>             |
| <b>მიმდინარე ვალდებულებები</b>                |          |                      |                      |
| სავაჭრო და სხვა ვალდებულებები                 |          | 85,945               | 38,738               |
| ვალდებულებები თანამშრომელთა მიმართ            |          | -                    | 68,191               |
| მიღებული სესხები                              |          | 706,941              | 501,394              |
| მიღებული ავანსები                             |          | 225,988              | 155,367              |
| გადასახდელი პროცენტები                        |          | 15,056               | 6,879                |
| სხვა საგადასახადო ვალდებულებები, წმინდა       |          | 35,233               | 496                  |
| <b>სულ მიმდინარე ვალდებულებები</b>            |          | <b>1,069,163</b>     | <b>771,065</b>       |
| <b>სულ ვალდებულებები</b>                      |          | <b>1,069,163</b>     | <b>771,065</b>       |
| <b>სულ ვალდებულებები და საკუთარი კაპიტალი</b> |          | <b>10,033,651</b>    | <b>9,156,658</b>     |

გამოსაცემად დამტკიცების და ხელმოწერის თარიღია 26 სექტემბერი 2025

შპს ზაზა ფაჩულის კალათბურთის აკადემია

დირექტორი: გიორგი ალავიძე



შპს ზაზა ფაჩულის კალათბურთის აკადემია, ს/ნ:  
**404500232**  
 სრული შემოსავლის ანგარიშგება  
 2024 წლის 31 დეკემბრის მდგომარეობით

| ათას ქართულ ლარში                           | შენიშვნა | 2024             | 2023             |
|---------------------------------------------|----------|------------------|------------------|
| ამონაგები                                   | --       | 2,364,122        | 1,527,199        |
| თვითღირებულების ხარჯები                     |          | (114,898)        | (242,432)        |
| <b>საერთო მოგება</b>                        |          | <b>2,249,224</b> | <b>1,284,767</b> |
| ადმინისტრაციული ხარჯები                     |          | (1,649,086)      | (660,320)        |
| ფინანსური შემოსავალი                        |          | 315,204          | 201,188          |
| საპროცენტო ხარჯი                            |          | (43,944)         | (9,415)          |
| იჯარის ხარჯი                                |          | (96,706)         | (17,503)         |
| ცვეთა / ამორტიზაციის ხარჯი                  |          | (62,063)         | (506,741)        |
| წმინდა შემოსავალი/ხარჯი საკუროსო სხვაობიდან |          | (27,142)         | (8,539)          |
| <b>მოგება გადასახადით დაბეგვრამდე</b>       |          | <b>685,487</b>   | <b>283,437</b>   |
| მოგების გადასახადის ხარჯი                   |          | (18,279)         | (11,333)         |
| <b>წლის მოგება</b>                          |          | <b>667,208</b>   | <b>272,104</b>   |
| სხვა სრული შემოსავალი                       |          |                  |                  |
| <b>სულ წლის სრული მოგება</b>                |          | <b>667,208</b>   | <b>272,104</b>   |

გამოსაცემად დამტკიცების და ხელმოწერის თარიღია 26 სექტემბერი 2025

შპს ზაზა ფაჩულის კალათბურთის აკადემია

დირექტორი: გიორგი ალავიძე



შპს ზაზა ფაჩულის კალათბურთის

აკადემია, ს/ნ: 404500232

კაპიტალში ცვლილებების შესახებ ანგარიშგება

| ათას ქართულ ლარში            | შენიშვნა | საწესდებო<br>კაპიტალი | გაუნაწილებელი<br>მოგება | სულ       |
|------------------------------|----------|-----------------------|-------------------------|-----------|
| ნაშთი 2021 წლის 31 დეკემბერს |          |                       | 8,707,954               | 8,707,954 |
| წლის მოგება/(ზარალი)         |          |                       | 238,282                 | 238,282   |
| სხვა რეზერვის ცვლილება       |          |                       | (416,354)               | (416,354) |
| ნაშთი 2022 წლის 31 დეკემბერს |          |                       | -                       | 8,529,882 |
| წლის მოგება/(ზარალი)         |          |                       | 272,104                 | 272,104   |
| სხვა რეზერვის ცვლილება       |          |                       | (416,393)               | (416,393) |
| ნაშთი 2023 წლის 31 დეკემბერს |          |                       | -                       | 8,385,593 |
| წლის მოგება/(ზარალი)         |          |                       | 667,208                 | 667,208   |
| სხვა რეზერვის ცვლილება       |          |                       | (88,312)                | (88,312)  |
| ნაშთი 2024 წლის 31 დეკემბერს |          |                       | -                       | 8,964,489 |

გამოსაცემად დამტკიცების და ხელმოწერის თარიღია 26 სექტემბერი 2025

შპს ზაზა ფაჩულის კალათბურთის აკადემია

დირექტორი: გიორგი ალავეიძე



ოფიციალური გაცვლითი კურსი

| ვალუტა      | 12/31/2024 | 12/31/2023 |
|-------------|------------|------------|
| დოლარი/ლარი | 2.8068     | 2.6894     |
| ევრო/ლარი   | 2.9306     | 2.9753     |

გამოსაცემად დამტკიცების და ხელმოწერის თარიღია 26 სექტემბერი 2025

შპს ზაზა ფაჩულის კალათბურთის აკადემია

დირექტორი: გიორგი ალავიძე

